

四庫全書

集部

欽定四庫全書

文苑英華卷五百十九

宋 李昉等 編

祭祀四

雜祭祀門二十八道

祭闕頒誥判七道

大夫采地祭判二道

庶子牲祭失禮判一道

士祭判三道

足士大牢祭判一道

士不合設壇判三道

用牲于門判一道

歸胙判八道

祭器判一道

祭器奢僭判一道

祭闕頒誥判

所司有禮事不頒誥所由斷徒訴不伏

對

斐子建

禮典之制期諸豐潔裸鬯將行無宜秕稗是以有司卜日而頒教所由先庚而讀法故能籩豆有楚殷薦聿修皇祖降歆萬壽攸酢孝孫有慶百祿是荷若後時而不陳則臨事而或闕偶俱罹謗須一辨明彼以不戒視成

居然有罰此以未承憲令無狀可明俱曰宮臣當須慎
守既一作自貽伊感尚曰奚為

同前

常建

祀禮孔殷以供百姓禮容不肅奚疑作豈崇二獻興言國

典厥在司存頌之猶恐不供不頌將何集事俾左社右
廟奚捧幣薦牲方澤圓丘曷焚柴埋玉欲加之罪安得
有詞必也禮或重輕法存降殺將定所刑之典須明所
祭之神議以從徒宜其後命

同前

祀事孔明展誠告備崇享獻之道則歌舞其牲嘉滌濯
之容則詔相其禮取則不遠聞斯行諸政貴有恒人用
不撓雖小祭大祭課乃機宜而充人亨人曷不頒布况
卸疑作卸罰麗事職汝之由天子有司是堪自頒龜玉毀
櫝曷所逃刑

同前

薛彥國

國有祀典以和神人思不出位是主蠲潔苟越率履不

承權輿難乎守官直以窒暢所司實掌其祭或承之羞
備物不頒於職人戒嚴有乖於先甲遂使奉牲之告不
及於肆師降神之典無聞於六變闕而為罪宜灼薰心
過而必聞自貽噬腊詳諸秩典俾罰鬼薪

同前

郭庭誨

於糾禮官無辱祀典欽若天地肅恭神人如何有司失
其頒誥將李氏之暗失由也之質明致使禋燎不供難
為象祭燿火無設便乖漢典宗伯或差於三望太常乍

關於六宗職此之由而襲其守而天秩有禮罔不克集
寘以徒坐復何疑焉

同前

梁 乘

受福之祭固存乎肅恭出令以言實在乎頒告繫有司
之不腆乃事神而未達不能先備禮物預頒祀典存彼
舊章介茲景福雖自牖納約所貴齋心倘入廟未知將
何措手若也禮則斯缺人心匪虔信且未孚福將何所
且祀有大小罰有重輕大則合寘於徒刑小則宜從於

答坐須明大小方辨重輕

同前

薛大球

祀以追孝祭以馭神厥儀孔昭執事有恪欲使粢盛豐
備祖考歆黍稷一作禾之馨珪璧允植川嶽享沉浮之薦

所司不供其職俾人用迷鍾鼓或闕於鏗鏘籩豆恒乖

於薦楚法既將奈神其舍一作吐諸且無翼翼之容易降

穰穰之福自底不類嘖有煩言固乃曠我之官告曰轉

爾于恤斷從徒罪斯乃銳乎翻事言焉其何補也

大夫采地祭判

得宗人掌三辰之法以猶鬼神祇之居辨其名物保章
不供本職輒事左道人云采地所祀

對

天子建國法合掌於三辰諸侯立家禮許脩其五祀非
直為之糾禁抑亦辨其名物各有職守無相奪倫至如
日月運行陰陽消息乾坤測度之法山川沉埋之儀蓋
存公道希憲於觀臺豈合私為輒陳於采地宗人所祀

正當左道之條保氏所陳深得禮刑之制

同前

三代命祀厥有禮文六官陳殷匪無名秩思不出職舉
必在公神人之官各恭爾位俎豆之事實有司存伊彼
宗人祭於采地苟不失禮夫何間言殊季孫之見嗤振

疑作
旅

于岱嶽異晉侯之有疾不祀羽泉今茲掌彼三辰

不脩其法紊我禋祀之道以猶鬼神之居祝詞爰論名

物徒辨不以為禮神其享諸保章祠彼上玄昔疑作
習茲

左道不恕其咎何所遁逃

庶子牲祭失禮判

得庶子為大夫以上牲祭其家人告其失禮辭云宗子
為士不可以貴就賤

對

王緯

霜露孝思朔月

一作日

殷祭申其爵祿格以祖考苟或違

經是同匹嫡相彼庶子命為大夫體異承祧位踰齒族
固令奉其常祀從以大宗獻上牲於歲時稱介子於工

祝使僂然之歎不絕於聲如在之義復存於目乃黜於
祀典越我顛毛恃肥脂之牲捨或將或肆繁豐盛之黍
稷于豆于登假一作假祖禰之恩二重寔疑於夫子竊蒸
嘗之薦三廟奚取於私家仍聞就賤之辭豈聽如流之
責寔誣之祭人何以觀

士祭判

為士殺犬豕或人告君子遠庖厨凡有血氣之類不身
踐訴云有故準禮不坐

對

禮以制人命以防愆是彰品秩無取僭差苟豐約之不
踰於德義而斯美乙周行已寘忝曰王臣班列尚微盖
為元士曾靖恭其位不虧莊敬之文當官而行既不越
於時式執禮以動亦何恤於人言屬霜露既零春秋匪
懈爰脩饗祀載展牲牲近彼庖厨雖則踐於血氣潔茲
犬豕頗亦薦於夫疑膏既稱有故而殺難議不經之科
或人詞游宜以麗法

同前

曹詵

禮探寧儉士有等威苟不體於牲牢則無儀於享祭惟
乙命士克由舊章入戶僂然感四時而展敬祭神如在
瞻一廟以式思告全將啓其血毛備物乃利一作封於犬

豕脩戴禮而不忒豈呂刑而可加或人何斯居然昧識
好生軫憲徒有効於愛羊速訟不稽寧無慙於相鼠雖

庖厨可遠身踐

一作剪

則誠爽至仁而蠲潔在躬親割乃

允孚主敬稱以有故于何議刑

同前

崔曙

孝子饗親祭神如在主人肅容式宴以行邊豆有楚無
饋西隣之言餼牢不竭是陳東道之禮觀乙為士聞斯
行諸曰殺羔羊尚流詁訓歲脩犬豕何爽大經同燕人
愛疑思雖踐血氣異翼氏之業終遠庖厨將食節而事
時豈厚味而腊毒或人興訟捨禮何之有孚致辭勿問
元吉

足士大牢祭判

足士大牢而祭

對

祀典所興人倫共仰違越行禮章程不容足士下流陋
巷微物竒才有慙於梓漆利器無逮於干將事於鬼神
陳於俎豆如在申敬惟馨展禮著於行潦無妨於預祀
輒薦大牢載虧於非月既斯故犯宜寘于刑

士不合設壇判

甲嘗有大事祫於王父及其魯高遂設壇為墀或曰僭

而不經甲稱且有後命

對

祭盡於敬是敦孝享備其鼎俎潔爾牛羊克孚濟濟之
容實受穰穰之福眷言宗廟罔黷蒸嘗甲何人斯每事
無問干彼袷典昧斯國經靡虔於寢之儀苟踰立廟之
制有禱而祭實越等威我高我魯雖罄由衆之道為壇
為墀且貽僭上之責前言匪習後命奚施待窮越禮之
詞然正恤刑之典

同前

劉公輔

聖教因親人事有禮春秋祭祀以時思之眷言於甲慎
終追遠裕父志高展於孝敬將序昭穆以列尊卑神明
始交哀樂兼半祝史陳信曾無媿詞彼或何為忽乎興
訟然則五廟諸侯大夫此之等差非無典誥儻貴通五
爵甲稱固則有憑如位列萬人或告不宜無當請責名
品方正刑書

同前

孝以思親祭之如在既申怵惕式備蒸嘗惟甲承家方
茲主鬯遵先王之法有事宗枋讀非月之書方申禘典
既而享獻其潔壇墀克除在祀之敬不乖陳信之儀無
闕有何所犯旋告不經請從後命之詞靡取無稽之訟

用牲于門判

洛水溢有司用牲于門或非之云苟濟於物祀之何爽

對

瞻彼洛矣其水泱泱雲澄綠潭樹夾清岸天作霖雨時

維浸溢縱栢舟而難泛豈一葦之可航永惟主司能業
爾職載懷黔首用祭玄冥巨浪無倪已不分於牛馬明
德可恃乃展敬於牲牲漢皇之歌彰夫舊史周官之禮
著自前聞何彼人斯行葦末學事則有據非將奚為

歸胙判

甲監享以胙歸父餽而祭

對

康子元

無文咸秩既重於肅雍有功則祭或防於跛倚甲以棘

七方載式預監牲茅縮以陳遂聞歸胙餒食煙達應非
尊者之餘胙致曰嚴自入先生之饌用此而祭頗乖經
禮之儀未及於刑須黜平典之議

同前

晁良貞

精意以享敬于展牲率禮莫違洽乎歸胙甲以膚敏典
司蒸禴分以貴骨爰封介葛之犧奉乎高堂用入老菜
之膳恩必逮下子道或霑其食餘祭示有先神理詎歆
其餒末既比慶封之祀難許叔氏之禮

同前

毋嬰

宗廟崇儀禴嘗明祀先王有以尊祖考歷代所由追饗
敬惟甲趨台奠奉蒸羞與於蜡賓非喟然之有歎侍於
邦祭聞立者之無跛接神旌而下御來盡恭肅送靈驛
而方行去昇微滅眇威儀之奕奕期降福之穰穰已而
往辟云除笙鏞則闕罷儀於國休事於家致胙以歸奉
其親乎則可既餘為餽因設祭而何乖永言禮經瞻所
祠一作祀典匪伊天降寧惟地出有誤於事貽謗何追

同前

鄭齊望

三才既分六宗爰設或因地事地或因天事天明堂尊
嚴配之儀清廟崇禘禘之典國之盛禮其何以先神之
至誠罔不或降於是陳以簠簋薦之犧牲瑟奏空桑管
吹孤竹甲言叅大亨監彼有司獻灌無虧福祐攸洽貴
骨以頒於高品賤禮疑作體仍霑於庶寮他日鯉趨且聞
歸昨今朝神惠更用祭先錫類之美則多黷禮之嫌宜
避

同前

韋述

郊廟蒸嘗春秋禴祀執膳成禮受胙為榮甲位列周行
職惟神監舉信從政須慎威儀屬有事宗枋無虧肅敬
鄉人問禮非惟黍稷之馨祝史正詞抑亦牲牲必備既
而三獻徹俎肆夏尸還天子多歡始預受釐之福先生
有饌遂欣歸胙之榮初則視膳在堂終則降福於廟雖
必嘗君賜頗取則於前規而不捨餽餘誠有違於昔典
非復必齋之慎審乖如在之儀何慢神之致尤惟失禮

而斯取

同前

袁暉

餒餘不祭昭彼前聞事且違經慙於達者甲忝居官序
式陪精意悅分胙以言旋鄙過屠而自足瞻白華之養
孝則盡誠昧非月之言理難逃責遠儔知禮雖惡於鄉
人近取恤刑宜寬於漢典

同前

牛上士

祀祭以神官司執事昔者由也曾陪季氏之庭孰謂鄒

人每入魯侯之廟甲既策名朝列監享嚴裡剛鬣柔毛
不化庖人之饌白茅醴酒遽聞歸胙之榮食美思親無
乖孝養餼餘有祭暫越禮經柴也之愚雖聞小過參也
之魯何妨大倫以禮許人則吾豈敢棄瑕錄用將子有
聞論情雖欲薄言與進未宜深責

同前

單有隣

甲幸彼曲成官同直指不彼

被一作

澤宮之誠與監清廟

之儀執燭薦腥禮循朝饋崇牙樹羽樂遽撤懸方致美

於吉蠲卽同班於福肉滌仍在已祿逮其親詠蘭陔之
詩晨昏少力申綵服之養烏烏多歡用廣中厨因茲外
胙為中之道始則著於先嘗食父之餘終必歸於致祭
且聖人之禮祭示有先夫婦各羞父子異數盡於是矣
何所疑焉

祭器判

少府監申稱太常寺牒稱須造罇壘彝器并舟光不詳
形狀制度請裁下

對

先王制物禮器為先商周虞夏容形各異象罇之儀爰
刻象以成形玉笋之名遂以玉而為飾疊雲采采如開
五色之雲彛鳥軒軒似翦六時之鳥舟其足也夫復奚
疑少府自有常儀太常非無舊準更請裁下未爽公方
至於規模一作矩並在於此如愚管見謂叶通途

祭器奢僭判

甲飾祭器以連行劾其奢僭訴禮也

對

殷之六瑚周之八簋始有列於雞象終見蒙於豷豚陳
其犧牲備以鼎俎用嚴莊敬則著品章是以有舟有罍
資適用之恒理廢禁松禁分貴賤之攸宜賻布之餘則
以是具畫布之幕則見將施苟禮典而是違信奢僭而
逾陷甲祧廟其主祭器為先方用展於蒸嘗忽謬崇於
樸斲博以庶物損其葆大考揮風之妙思得天巧之良
工規制旋開鱗甲斯覩開絃疑作樂影宛似出於重泉

擁劔潛形坐見儀於四豆雕其物象素所欽崇

一作况承

黍稷而非馨何刻畫而為用且外骨內骨連行不行同
於剗剗之功以儼陶匏之器非取義於鄉士本嚴禮於
邦家託以私門實忘公憲同管仲之鏤盞昔所為非擬
季氏之舞庭孰不可忍此而捨罪予其何誅尚未覩於

滅吞

一作口

實有違於噬嗑

文苑英華卷五百十九

欽定四庫全書

文苑英華卷五百二十

宋 李昉等 編

喪禮門上二十七道

不供夷盤判四道

毀壞壓死判四道

木墜誤壓判一道

溺死判三道

復以冕服判七道

縣君死復判一道

哭子哭夫判二道

所知哭寢門判二道

里尹為主判三道

不供夷盤判

三品喪事夷盤不供司儀云時所不要

對

喪也寧戚禮亦從宜思有厚於大臣義不遺於小歛今位崇三品名謝百年國章自書其禮物有司豈怠於供擬若春羔已獻在寧室而須開夏蟲正疑闕夷盤而不可自當曠官之責何待司儀之按時則匪要法欲何加

同前

劉同昇

喪事攸列凶禮克明佐器者存乎有司致用者期於無
愆綴几初設已陳含玉之儀夷盤不供何施造冰之禮
且議事以制觀過知仁必若夏日斯炎鬼亡達於墻屋
固當秋露結罪刑宜麗於簡書如或冬凄已冰寒氣方
總則史魚之殯雖且在堂咎繇之譽終期緩獄理則可
也彼其詰哉

同前

斐士淹

凌人掌冰以待邦事深山窮谷居仲冬而益堅獻羔祭

非事司寒而方出且云一日二日亦惟秋刷夏頒在用
捨而有時於出納而惟允嗟此三品俄嬰六極金章罷
去玉璫方開具疑作夷厥衣於庭中設夷盤於牀下國之
老疾猶或不遺朝之榮貴理宜從給徒以氣則分乎寒
暑用則期乎折衷司儀所告省括之道雖勤主者定詞
挈瓶之智斯得

同前

顧勝

生榮死哀士有恒禮弔喪歸賻國著成規三品云亡九

泉方闕窀穸之事未展縣棺之儀嗙嗙所陳遂闕夷盤
之典至若夏德方暑自可歸水冬陰返寒何煩設器徒
窮獻羔之禮方議鵠鳩之訓

毀壞壓死判

乙有所毀壞而誤死人科其備慮不謹訴合所由為罪

對

韓極

立物有恒堅樹在始繕而不固壞則難支既動作而必
虞將紀律而斯約罰之惟五先明宥一作過之文死則

有三終傷不弔之旨若過誤而先定乃平刑而是察乙則何者率爾薄言已聞滅鼻止災胡乃反唇推過且守之必葺誠備慮而則安牆或不終將隳壞而誰咎罪有所在焉可逃夫

同前

崔殷

九州既滌是資築護庶役斯起于以儻工俾湍悍不生而安居作又彼己之乙謂為何人率作而毀豈增修而藏事壞乃致害仍推過於所由言則飾文慮實無備然

壓溺不吊酌戴禮而何傷而殺人者死在蕭章而難忘
論以故傷闕則是減稱其誤殺科其不應爾徒有詞吾
從不蔽

同前

田季羔

乙惟賤工執用為是撤彼墻屋嘗聞作向之詩誤此殺
人載犯蕃虞之律雖因緣毀壞宜申重典而過失殺傷
非無彝憲毀垣之下人盍違而去之壞宅之間乙恐非
其罪也且凡所墮圮尤資審慎泉臺構落非梓匠之良

規廣厦椽崩必鄭僑之見壓備慮欲繩其不謹懸危可
恐乎無情既殊故犯之名請抵從輕之議許其收贖竊
謂平反

同前

梁 乘

奚有建立洎乎崩壞必慎傷人無致害物何哉王者曾
不任能顧彼匠人豈因何巧既無備慮且乏周防遂昧
立身果貽誤殺事殊隙壞物異椽崩將壓有契於國僑
不弔遂符於戴禮况造作之與毀壞匠人之與主司著

臯繇之書合以所由為罪且人誰無死痛其不終宜用
明刑以慰幽壤

木隆誤壓判

將作官脩城木隆誤殺行者

對

五材並用闕石是鈞百堵崇墉麗譙斯起頃以春風折
棟秋雨摧梁雲構俄見於朝傾邊聲不聞於夜泣既而
周官揆日斲之登登郢匠成風行者擾擾杠木之下危

於坐堂改途而行何必由戶異文王之所避同子產之
見壓孽由已作殃實人興取類憑河有均暴虎唐據法
雖論誤殺在禮為之不弔

溺死判

甲與乙同舟既而甲懼水而投因溺死其家訟乙故殺
縣斷以疑

對

孫欽望

靈長演派資潤下以流謙習坎疏源含內虛而濟物故

桂林望斷漢臣嗟其水源杭葦無因衛女歎其河廣由
是剡木為楫利涉存焉造舟為梁有自來矣惟甲與乙
俱因行邁駕言出遊大川為阻家非溱澨不可褰裳地
若滄流爰憑鼓棹既而甫辭岸浦喜二子之同舟方駕
波心嗟一夫之墜魄尋漆園之奧旨未昧藏舟考司寇
之微言旋驚逝水至若沃焦不易呂梁難嗣一類士龍
之笑幾慚漁父之勇家人告稱故殺縣司斷以疑條乙
則有詞未云甘伏向若平生宿憾殞命猶或推科如其

邂逅相逢自死如何結罪誠可俾一作竿而求水府豈

得陳牒而訟官曹不悟生也有涯將等死而無弔欲使

長江岸上式旌孝女之碑篁篋曲中永作狂夫之曲竊

稽狀迹不伏為宜

同前

語稱有朋自遠易曰朋從爾思同氣相求同舟共濟呂
安之懷叔夜或泛黃河之水王子之尋戴逵亦冒山陰
之雪何以仰止欽賢是慕想彼甲乙道契筌蹄汎漲海

之雲若見

一作星

蓬萊之樹棹倚砂之日方追河洛之仙

既而智乏謀身情乖極物覆舟之慎想伯夷而載虧驚
濤之遊歎伯昏而遂遠三命有極百齡俄謝禍兮難倚
寧收轉壑之魂比之匪人忽覩盈庭之訟尋端指狀於
甲誠亦可矜據理詳刑在乙寧宜寘罪何者禮稱不吊
溺者已絕律通人情乙一作為無咎庶從平典用叶大
倫

同前

鴻爐賦象人壽幾何生榮死哀物類同致晝夜不捨宣
尼與其歎息吉凶共同賈誼發其詞賦眷言甲乙俱涉
大川懸流波而得朋理征棹而云邁乙則同舟而濟宛
若神仙甲乃懼死而投遽嗟沉溺波心乍沒還疑觀影
之人泉路不歸便似懷沙之客然則度河奏曲曾不爾
思逝水沉冤而招其咎家人有訟虛陳故殺之端乙既
無讐難寘惟輕之典薄訴不伏理合哀矜縣斷以疑殊
乖部一作剖察以愚管見釋放為宜

復以冕服判

甲復以冕服御史糾其違失

對

喪等孔昭復禮攸設公侯以下非無降殺用明沿襲且
辨等威求彼平生振衣裳而有度號之某甫冀魂魄而
知歸至如衮冕是陳爵弁斯列用捨之際抑亦有殊甲
實伊何昧我常度未明死者之貴賤罕識凶儀之重輕
自可憲章宣尼每事有問何乃祖述季路率爾而行法

則無稽難為叔氏之許舉而不物豈免先王之誅白簡
彈違固其宜也

同前

常建

喪定等列在乎中制爵為公侯招以上服禮則有數甲
其謂何必若錫重五侯寵加八命寢于中雷固當復彼
東縈適在他邦是何升其左轂冕服則順鐵冠奚為如
或有愆于儀不象厥德僭而有作同彼季孫孝則莫彰
異夫曾子所謂殺禮宜其聚慝徵大夫之轍理既有違

論司敗之刑法將何道

同前

祖詠

吉凶殊流冕服異數苟將失制敢用此規而泉壤幽深
生涯溘盡綴足斂手初聞於長遊設階乘屋遽見於三
號甲也用心審於盡愛尤差司服還閣禮經招平生之
衣不有曾子之問加冕弁之服更異邾婁之言相彼豸
冠素為人望今將一糾實謂正途

同前

薛彥國

服以命賢喪則觀禮用存升降不易紀律故朝會之序
必布常於典命死喪之儀亦辨等於司服指彼甲也復
冕其誰必也德亞元良位光袞職隨會以有綬受命叔孫
以車服表庸自可飭虞人以設階命元士而即次取茲
驚袞載展升屋之禮用彼毳弁或同登輶之號道則庶
乎禮無違者如或秩殊稍食家匪伐冰以陪臺之隸人
遂滅裂於喪紀寘之於理誰謂不然憲司所劾既不書
於祿位宗伯之義亦孰知其用捨且曰獻狀必也正名

同前

郭廷誨

生也有涯死而必復苟或不率克有常憲故國備典訓

禮陳等威

疑作藏

虞人以具

一作設

階崇壯元

一作狄樂更也

士以

即次美觀若禱其五祀則事始東榮或問以三號而復
行左轂自適變通之要夫何過差之有惟甲向者以冕
而復同鄆人之失德刺起素冠齊魯俗之虧喪僭彰玄
毳既非五等之列須異九儀之品何乃不類祇自塵兮
非大猷是經而峻簡斯糾違失之禮其難捨諸

同前

梁 乘

祿秩之序貴有常尊凶喪之儀禮無越等已矣逝者魂
兮不來死實生哀歿西山於九夜招之望反將北面而
三號既而骨肉復歸精魄無象宛其死矣則無不至且
祭神不能如在神猶未饗復魂不似其服魂將奚依至
若在館在家匪無名數公侯卿士實有藝倫小者則掄
狄素紗諸侯乃衮衣冕服未詳甲也其位若何儻有土
之公卿御史斯為折角若食采之鄉士甲也宜從噬膚

同前

薛大球

儉德之恭侈惡之大書分品命禮著等威苟違嚴律曾
是抵禁稽諸甲也彼何人斯天不愆遺遘嬰六極服以
招魂見誥九章至如受服統戎建節將命或聞以矢亦
曰以綏固傷逝者之魂或載先王之典且甲兮云歿亦
孔之哀莫知王爵之班胡僭弁師之冕必若位應受則
邑錫建侯功有良夫之崇德叅士會之賜亦奚妨升穀
合禮一作理發榮倘或生罔嘉聞死微可作須易大夫之

簀豈復諸侯之冕嗟夫鐵冠所糾請審毳衣是用

縣君死復判

縣君死於路所由不以綏復於右不給役車遽還

對

眷彼縣君征途有疾庚子戒日止鵬生憂辰已臨年巢
臯起歎東流逝矣北首長辭遽委魄於松門奄歸魂於
蒿里不祿公室須臾臯某之儀屬續私家即罷求幽之
義禮有明說焉可輒違準例合得遽車所司如何不給

但比壁

疑作壁

用刑須窮兩造鈞金察獄必聽五辭公私

之節未明左右如何定罪請更詳委方可要終

哭子哭夫判

哭子哭夫事

對

喪子之親哀情已極喪夫之婦為死難勝非無寡鶴之
悲豈息驚猿之痛然喪夫喪子悽感雖同而哭子哭夫
禮儀須別穆伯之卒已有前規敬姜告言一何無識縣

承行罰之日於禮已違
廢婦指貽之愆在律難恕
顧茲刑憲並合推科

哭子哭夫判

季氏夫子喪哭不捨晝夜
鄉人告違禮

對

季氏令質幽閑秀容綺艷
事夫有道金釵見美於梁
鴻訓子多方布被推賢於
孟母為善必應天乎不仁
三從靡依兩喪相次歌枕之
淚空灑倚廬之望莫依不
捨晨

昏深符禮制

一作則

所知哭寢門判

太史令緒所知亡哭於寢門之外告違禮

對

歲月驚過人生若浮棲露不居空嗟溘死截颺易往共
盡何言令緒歎交臂之無依恨同心而遽失瞻九原而
長想白日何年撫三益而傷魂青松上月雖墳未宿草
而室無其人同宿畢

恐用擅弓伯高事蓋荀子畢
如訓高如廣韻高與畢同

之奄

終類一哀而出涕寢門興慟未見其容外野申悲嘗聞
斯旨致哭雖稱失位寧戚亦著前聞禮貴因情夫何推
究

所知哭寢門判

甲哭友人於寢門之外友弟將為疎闊輒毆之

對

太虛運化勞息有期聖人制禮哀樂殊節甲以詩稱伐
木義切斷金追管鮑之平生欣然相得鄙張陳之棄置

覓

疑作
莞

爾無恥

一作
取

臨川興歎逝者如斯怨天地之不

仁撫琴書之空在昔之莫逆把黃菊而思來今也則亡
乘素車而慟哭哭於門外禮亦宜之責以相輕誰執其
咎且孔丘將聖昭著格言有弟何知胡然昧議龍頭不
見已喪朋從鳳字未題遽招伊戚非理輒毆宜啓刑書
請驗所傷用申明罰

里尹為主判

乙妹無子寡而死請里尹為主決曹掾科其違禮訴云

其夫無族

對

乙妹三從靡依一志空潔榮落朝薜魂棲夜臺生則事
兄義或遵夫歸妹死而誰主禮用行乎寡妻夫無執紼
之姻里有主喪之尹雖親不可間義並連枝而事寧敢
逾禮從異教決曹謬舉職我之由訴者有詞今汝則盡
尚恐邑多匍匐之子家有不相之隣未詳其宜莫適問
罪

同前

閻 渙

死生有命男女大綱于其不天可以往唁惟乙之妹華而無實始窈窕以適人挑天斯美俄悍獨以處室荼毒何深生無託於偕老死奄赴於同穴言念夫族曾何子遺嗟兮隣人復已湮滅乙以骨肉之戚匍匐而來據親則可奔喪執義不合襄事况臨窆窆復引銘旌諒天窮之人請里尹為主決曹雖詰於禮無違

同前

喪則有等自辨於重輕禮之所行亦崇於節制乙以天
乎降戾斯殞其夫則穆伯早亡鄧侯無嗣啜其泣矣何
痛如之永懷夫黨無親因求里尹為主禮則然矣人何
非哉且決曹所稱亦何加止蓋以喪也寧戚禮則因情
姊憂去官見稱於陳重弟服去職著美於譙玄斯則事
之有由一作言也何爽得失相半斯之謂歟

文苑英華卷五百二十

欽定四庫全書

集部

文苑英華卷五百二十一

詳校官給事中臣李臺

助教臣常循覆勘

總校官進士臣朱鈐

校對官中書臣胡紹基

謄錄監生臣邱繹曾

欽定四庫全書

文苑英華卷五百二十一

宋 李昉等 編

喪禮門下二十六道

里正主妹喪判一道

本正為主判一道

同姓為主判一道

主者不杖判一道

父在凶門判三道

輿屍謁廟判五道

助隣婦喪判二道

寢苦枕草判二道

父在杖堂判一道

練祥羣立旅行判一道

除喪鼓琴判一道

祥鼓素琴判一道

禫服鼓琴判一道

奪情腰經服事判一道

妻喪奏樂判一道

士弔大夫喪判一道

同門生喪親判一道

食於喪家判一道

里正主妹喪判

癸為縣令有妹之喪使里正主之或告非禮訴云所居
無東西前後家

對

侯嶠

女也有喪行實殊制士之達禮哀以立則惟癸領縣同
氣辭家生稱未亡已軫栢舟之詠死歸異姓且無欒棘
之悲東西南北之人歎四隣而莫有鄉黨里閭之室望
九族而繫無日月有期主喪孰是匍匐救之里尹其人
殊周勃之給喪所資致祭異項梁之倚辦寧惟執紼在
禮自有明文或人胡為妄動

本正為主判

婦人適人死無親族兄乃為主本正亦為主鄉人吊者

兄拜爭為主

對

嚴識賢

洪波振海終不到於蓬瀛
流電促人詎有固於金石
無不魂遊北斗水閱東川
咸促半夜之山共盡明朝
之露聞人不幸一去無歸
洛川之風雪共銷陽臺之
雲雨俱霽泉門永閉但聞
松栢之聲總帳空懸無復
綺羅之色惜乎丈夫獨立
親屬茂如秋蘭匪植於庭
砌春花詎榮於棣萼眷言
為主寂寞無人切哀痛於
仁兄慟悲涼於

本正爭承即疑禮競執喪儀未終白鶴之來詎盡青蠅
之哭縣司直申情理非究禮經徒開弄法之門未杜簿
書之路竊尋州斷實允公途以隣主喪雅叶春卿之禮
捨兄於罰殊乖秋典之文

同姓為主判

甲妻亡無主後者乃命同姓主或人告失禮所由科之
對

美而無子賦以碩人生也有涯歸乎大夢贅榛粟而方

就據蒺藜而何辜眷言于甲修喪宜家鳳凰于飛八代
徒兆蛟龍中絕一劍空悲扣盆之哀但取傷於對簞懸
弧之義本未徵於夢蘭有歎溘先無以為後爰邀同姓
將陳主喪三祖思崇五哭攸設永惟哀戚誠則靡捐撫
以禮經猶為未達且男主婦主之道同姓異姓之儀抑
有前聞非宜此謬蓋匪慎茲坐貽差互至若婦主必使
異姓厥義彰乎外成反是不思捨禮何立道有取於宗
婦事非屬於族人甲所為喪誠為不法哀興弔影雖撫

事以傷神迹未吞聲罪恐餘一作於滅目

主者不杖判

甲卒女子在堂無主喪者命同姓主之喪者不杖令女子杖所由科失禮

對

男主女主則異其族苴杖削杖而別于儀良無扈扈之嫌用竭親親之道承家有託亦何詢于異門繼代或虧乃陳攝於同姓甲年馳石火光陰坐沉訓絕金釵屑嗣

非立若教之餒固宜理而方嗟鄧攸之謹諒天道而多
惜桑弧靡設詎憂嵇紹之孤葛覃在辰空有緹縈之類
謝庭窺雪奏歌詠於常時蔡氏知絃鞞娛歡於是日三
星尚阻未及有行五哭斯崇奄嗟無怙喪主既非棟蓐
輯杖固屬標梅同切昊天寧遺巽位撫禮深違將謹何
憑則子一人諒斯取而不謬惟刑三復宜伏念於無辜

父在凶門判

乙父在喪母立凶門或告一家不合

一作宜

二門乙訴云

虞而無主以重當輕

對

顏勝

休死勞生存亡大數絕漿泣血孝敬常期乙也哀摧禍

鍾凶釁感風枝而殞魄反哺何施陟霜岬而縻心跪乳

奚及願言負米空結戀於梁山疾深懷橘一作懷墻愴開編

於吳史凶門列位夙著等差方取則於殷周驗昭然於

典禮既虞而作瘞重之制自分有祔于姑為主之儀寧

惑坦然明白可舉而行事不亂於大猷法難加於小累

同前

陟屺纏哀終天永慕形神訾毀有切於何魯流慟傷神
詎慙於吳隱於是牛山下北魚岫開塋帝軒轅之乘龍
衣冠作隧王子晉之御鶴履烏成墳因班牛而動祥樹
石馬而旌既既而玄門告掩丹旒云飛聊申虞祀之儀
方則夏殷之禮立主之義自有常條以重當輕終乖禮
式既無虧越何爽公途

同前

仁焉而終智焉而死九原悽愴寧聞可作之期千日荒涼徒結有涯之恨乙以悲深厚地痛結終天充窮於溢米之晨荼毒於寢苦之日青烏襲吉已托萬家之地白鶴飛來俄間再奠之禮所以表斯廬位設彼銘旌佇馴獸之見遊希祥禽之或至言申陟屺之戀再寫循陔之悲既結歎於生靈實無慙於死孝或人言告未可依憑哀敬之心理在矜察審慎之典憑藉必及淫濫儻行手足無措既非月之無失何如霜之可繩

輿屍謁廟判

鄭太曾祖亡輿屍謁其家廟人告狂恠

對

張李明

聖立訓謨禮明沿襲文物大備沮勸攸先是以茂閱高
勲載在王府封侯廟食克濟家聲允歸通德之門未絕
謀孫之道既而鬼闕其室祖以負杖延灾人告其狂太
以輿屍獲譴卒哭而祔反葬而虞捨禮何觀撫事斯謬
且執喪以寧戚為本謁廟以如在致誠昭穆相承自可

次其神主宗祧有序焉得失乎禮文狂恠之言責則甚矣既灌之後不欲觀之

同前

杜 巖

廟者曰貌則事之若生鬼之言歸則敬而莫黷考孔丘之要道將入必問覽周文之繫象輿屍且凶鄭太久挹家聲素高門閥自宣王之母弟承后稷之神人讀司農之經榮分爾族聽尚書之履代著一作有其名爵賞不泯錫承家而開國垣廟而立寵貽孫而及祖禍鍾斯兆哀

慕何追父已喪親總亦從嫡莫延無主孫也哭曾自宜
別外內之嫌分吉凶之敬謁廟以與屍見責寧合禮經
告人以狂怪見尤豈諧典則大從笞罰有蔭須寬於贖
刑告者任還無識不勞於反坐

同前

度進

白駒易往素蓋俄歸長沙空庚日之災北海奄巳年之
夢鄭太留舉求慕捧硯長悲通德之門露纏書草承明
之殿塵絕履聲且周設冢官孔演師卦戰亡猶令

周官冢人

凡死於兵者不入兆域

幽疑作出

兆輿屍豈宜廟謁雖理殊觀蜡同

賜也之云狂而義異亂神乃夫子之稱恠竊尋古制合

寘今繩

同前

先王制禮造次以之君子奉行威儀無選鄭太門承通
德代有象賢處異域之園全其使節受良田之廣儉以
家貞華軒懸示後之車密石表先人之廟釁鍾亡祖哀
疚謀孫捧硯攀悲與屍入廟大夫銜命神雖幽而已往

使者迴車身不幸而必告魯使以為有美漢臣猶且不
非况太恭事廟門展行祖德尊靈髣髴瞻棟宇而風生
喪紀綢繆備衣裳而日遠太之此舉必有為之人雖薄
言詎成狂悖

同前

聖人設教蔚在蓬山諸侯立家藏彼粟主豈唯孝子不
匱薦烝嘗於四時亦取孝孫承家咨吉凶於五廟鄭太
迺祖厥德嘉聞有彰良弓克傳投筆從事孝比參也在

家必聞勇超仲由從政何有或胡塵暗塞漢將鳴輦逐
金革之威唯聞死節登玉門之險不見生還輿屍方弟
子之凶掃埏合鄒人之禮所謂去死事生來宜朝謁薄
言狂恠何太踈遺

助隣婦喪判

得聞人有隣婦喪自三日而不舉火乃力借凶事之給
所以言黨人未獲因主斂爭訟官以先後遠罪具不伏

對

趙泉虬

隣婦時命先秋生涯凋落四德之名尚在九泉之魄俄
沉存既寡於周親沒亦感於隣義既而朱火不舉俯凶
事而無從立燧未臨仰生人而何托聞人以蹈危為意
憂濟留心爰行博施之恩自合無喪之服論其主斂則
親屬為先語其科辜則聞人無罪

同前

仲尼講三王之禮垂百代之範臨喪寧戚實先匍匐之
風力行近仁更著威儀之則永惟隣婦忽奄泉扃一作宮

蘭闈生向月之悲幽隧切行雲之望於是哀歌佇引尚
有具於飯含寧容猶遲誰見勤於營護三日不舉九原
若何彼人以桑梓情深芝蘭愛厚欲奔波於黨屬先假
借於鄉閭劬勞之志莫辭終始之心愈勵項將軍之志
業比德猶一作無慙郭有道之風猷方斯未遠且為主倣
緣是善隣親踈之爭藹興牒訴之喧爰起官司以公平
在慮剖析存懷申報禮以明愆討彞章而見罰既叶平
邦之典妙符淳古之風徒更有詞終成飾說

寢苦枕草判

甲雅脩士禮為宗黨所敬居斬縗寢苦枕草閭里化之
御史劾其惑眾

對

甲脩道訓允乎厥休宗黨稱其有儀閭閻美其惟孝而
夜壑匪固風林多感雖就禮之則俯同縗經之儀而由
衷之心無奪絕深之至寢苦枕草抑惟寧戚仁里德門
所居則化御史聽威電發隼視霜雄坐非平仲之仁行

問治長之罪且鄉人化善則寘刑章隣母與悲欲從何
典既有明於古事亦何滯於今科

同前

晁良貞

一作良貴

閱水成川賢愚共盡因心制禮榮賤同歸甲以慶絕循

陔

一作甲以
悲愴絕思

哀纏罷社綵綵其服永謝老萊之歡戀戀

厥心空聞孺慕之切三年茹痛寢苦不爽於喪期九族

遷風偃草遂行於仁里御史幸持清憲須辨彝章暴勝

繡衣徒然忝竊晏嬰

一作生

縗服罕悟重輕達禮之誠猶

迷寧戚之宜安在請從宗黨之好無憚簡書之威

父在杖堂判

戊居母喪父在杖於堂上

對

顏勝

居母親之喪茹荼嬰痛踊既無節哭何常聲悲在其中
形瘠於外口不甘味身不安美潘生園裏無復版輿顧
氏家中空餘畫扇仙人白鶴遙投士行之前孺子隻鷄
遠赴林宗之所蔡順有繞墳之感老萊無衣綵之由喬

枝未摧桂樹猶茂執椅桐之杖上芝蘭之堂循禮制而
多違顧刑書而有犯請歸司敗任便科推

練祥羣立旅行判

丁三年之喪練祥羣立旅行

對

丁為人子持平喪服身體髮膚不失全生之道衣衾棺
槨無虧送死之儀仰風樹而充窮履霜庭而孺慕鍾創
巨之悲酷有荼蓼之苦辛壁日不停練期何及毀不滅

性痛感終身道在慎終義存追遠人來輒語禮稱忘哀
羣立多爽於事宜旅行有乖於物理二途俱發一罪湏

科

除喪鼓琴判

乙既除喪而鼓琴成聲或告忘哀云不敢過

對

三年之喪寧戚毋易百行之最唯孝為先乙緣絰既除
樂棘餘毀既而綠琴在御朱絃高張搏拊成聲愉樂斯

在雖子張臨喪和一作彈之而和先王制禮不敢不至與
其樂也何其速哉

祥鼓素琴判

戊祥之日鼓素琴隣人告違禮

對

執親之喪行孝之道出入不當門隧升降不由阼階首
線在躬溢米充食恨纏風樹痛結寒泉舉號已見於心
摧毀瘠載聞於骨立念親之在土哀親之在外寢唯枕

塊居必倚廬隙駟不留祥期奄及既除凶制美鼓素琴
示人有終於物無犯食醞猶許奏樂何辜請從雪滌庶
符水釋

禪服鼓琴判

得鄒人告孔叢子居親禪服鼓琴而作樂叢子曰此是
子輿梁山之琴曲鼓器不伏

對

張鼎

地惟洙泗人叅鄒魯闕里之詩書斯在淹中之禮樂不

渝孔叢子風樹搖悲寒泉動思霜露云惕日月其除是

以君子為難子臯

一作臯非

親喪而永慕先王制禮孟獻禫

懸而不樂既祥絲屨

一作練而練

見孔父之深譏行奏綺琴聞

子輿之雅操且思懷罔極五日樂禁於成聲哀貫終身

踰月禮通於作樂去順效逆魯史稱其速禍朝祥暮歌

鄒人據而興誚節哀順變雖殊念始之心以今况昔未

悼送終之禮欲加之罪其無詞乎

奪情腰經服事判

甲腰經服事既而曰不即人心致仕而退時謂非禮稱人蓋善之

對

出師正邦大易有象率義弭

一作珍

寇春秋則書用乎中

行攸徃夙吉以威作匪

疑

取渙於羣甲閨門麗凶苴麻

纏疾喪則寧戚義能繼思痛深倚廬雖投杖以不起政

急分閫或執兵而啓行介以趨軍經而躬役魯侯金革

我直以興晉襄墨練彼蒙而動克壯輿輻能積承牙任

長子以帥師利元戎以光濟策勲苟進不即人心致任
能歸何睽孝體有為也無仁乎得反經以合道胡責善
以非禮

妻喪奏樂判

得丙妻有喪丙於妻側奏樂妻責之不伏

對

白居易

喪則悲哀見必存敬樂惟飾喜舉合從宜夫婦所貴同
心吉凶固宜異道丙室方在疚庭不徹懸鏗鏘無倦於

鼓鍾好合有傷於琴瑟既愆夫義是奪

集作葉

人喪儼麻

縗之在躬是吾憂也調絲竹

一作管

以盈耳於汝安乎如

賓之敬頗乖若往之哀斯黷遂使唱和不應憂喜相干
道路見縗猶必變色隣里有殯亦不為歌誠無惻隱之
心宜受庸奴之責

士弔大夫喪判

得丙為大夫有喪丁為士而特弔或責之不伏

對

官有常尊禮無不敬位若殊於等列弔則異其節文丙

惟

集作
為

大夫丁乃元士居喪而哭合遵朝夕之期特弔

以行奚越尊卑之序既乖前典乃速斯言且禮貴明微
位宜慎守事非其事信干食菜之榮儀失其宜徒展贈
芻之意是曰無上將何以觀

同門生喪親判

得乙有同門生喪親將往弔之其父怒而撻之使遺縑
而已或詰其故云交道之難

對

子道貴恭當從理命交遊重義益恤哀情孝不在於說
隨仁豈忘於惻隱乙父訓乖愛子道味擇交况求益之
初無友不如已者及居喪之際凡人猶合救之既因念
於一哀是有違集作不遵於久要苟知生而不弔雖贈死以
何為舊館遇忘集作哭亡宣父尚猶出涕同門在戚王丹未
可忘情縱申遺帛之誠豈補贈芻之義肆一扶之怒父
兮既爽義方杜三諫之辭子也亦虧孝道宜哉或詰允

矣知言

食於喪家判

得丁食於喪者之側而飽或責之辭云主人食我以禮
故飽

對

飲食以陳庶無求飽齊斬

集作
衰

可恤仁豈忘情丁靡念

人喪姑求主禮遇加籩之膳誠可療饑對泣血之哀亦
宜忘味既念吉蠲之饕是忘惻隱之心况春於其隣相

猶違禮而食於其側飽亦非仁徒嘉施氏之儀且昧宣
尼之教勿思變色當顧戚容

文苑英華卷五百二十一

欽定四庫全書

文苑英華卷五百二十二

宋 李昉等 編

刑獄門二十八道

流人降徒判一道

竒請他比議判一道

誘人致罪判一道

因丑致罪判一道

詐稱官銜判一道

犯徒加杖判一道

解桎判一道

刑罰疑赦判一道

告密判一道

贓賄判一道

吏犯徵贓判一道

主簿收受判一道

尉用官布判一道

未上假借判一道

乾沒稍食判一道

取錢授官判一道

受囚財物判一道

脫枷取絹判一道

免罪不謝判一道

子行盜判一道

冒名事發判一道

請不用赦判一道

失囚判一道

遇毒判一道

被妻毆判一道

稽緩制書判一道

刺史違法判一道

私發制書判一道

流人降徒判

大理申去年流人恩降徒今徒會慮合免刑部駁制免
徒罪此非本坐不許徒者冤訴

對

曼倩持法恭聞至理之名公間在官雅得平反之稱與
其失善寧可利淫頃以澤被寰中風行水上象雷雨以
作解自昆蟲而必及五流之罪恩降一至於徒年三宥

之條會慮復加於清雪渙然無咎咸與惟新大理以慮
合從寬雅符平典刑部以徒非本坐何太深文

奇音基請他比議判

法司以奇請他比議為蠲除而留臺持之不宜數變乃

引聖智之所為患

前漢刑法志奇請他比日以益滋議可蠲除者或曰法難數變此庸人不

達疑塞治道聖智之所常患者也

對

政貴有常理惟體要明罰勅法取誠於先王議獄緩死

致誠於君子俾其科條克叙輕重有倫惟齊非齊以殺
止殺事必謀始則司契之義明道先仍舊則改作之功
末鄭僑鑄鼎猶慙叔向之言周滿作刑稱老呂侯之策
况聖君御物天下文明人識舊章國慙常典舞文巧詆
非則於張湯捨虐從寬有依於定國矧乃漢盜陵土惟
輕載美於釋之於昭八議誠以類而可徵永言三尺復
何慙於師古

誘人致罪判

甲誘丁致罪令其同坐云人各有心

對

率心無邪詩叅履福作偽背道經喻焚身若從惡而自
貽將異罪而同罰利交相啗唯甲與丁隣德不慕於田
蘇樂禍更移於齊豹謗招惡子名近盜夸且飭躬無良
以欲敗度誘人汙迹以一作於義傷風六行舉挂於爰書兩
造不聞於在宥待窮實狀方寘科條一作刑

因丑致罪判

癸因丑致罪所由欲科之及丑自死癸云罪人則亡我

更何若

一作善

所由亦不知作何處分

對

生諒不謹法必繩愆既三禁而無移在五月

一作用

而難

捨丑孽不可追鬼得而誅癸戮出於身官慢其業雖天
網不漏亦未失刑而職司是虧攸宜坐罪且罪有輕重
失亦降差刑難變於一成減可從其二等

詐稱官銜判

辛詐稱官銜取給州縣所司以偽論不伏仰正斷

對

辛任德多涼於朝不齒九班之榮未及三思之志闕如
妄稱爵里之尊以求州縣之給詐難久恃偽果自彰行
詐為官仲由以欺天見誚言偽而辨少正以左道受誅
前史以舉其不然在律又繩其有過理宜緘口何恤薄
言

犯徒加杖判

乙犯徒訴家無兼丁縣斷加杖人告其有妻年二十一
已上

對

麗刑務輕罰懲非死若膚受之訟則哀矜難原乙何人
哉有耻未格不化厥訓自貽伊咎當從傳氏之策若赴
驪山之徒謂無兼丁則合加杖而配有偶應是克家來
訟無稽未宜易法縣且失律豈曰能官人之糾謬斯作

誰謂不宜

一作他人之
糾謬謂不直

解桎判

得甲送徒道解桎梏恣所過御史糾訴云尅期俱至無
違者

對

法在安人刑忌留獄苟信不繼則噬膚而莫懲如得其
情則緩死而無逸惟彼甲者奉詔送徒解其桎梏遵大
易之利用申其甲庚係小子而且格承命為信義則乖
於守官推誠於物仁或昭其恤下與其刑茲無赦利武

人之貞曷若感而遂通資文明以悅且虞廷作法人不
敢欺鍾離縱徒尅期而至有叶良吏無瀆簡彛欲依驄
馬之糾恐越鳩鳩之法

刑罰疑赦判

甲刑罰之疑俱赦有司以刑不上備省科之云適輕下
服諸罰有權

對

先王立辟議事以制得情勿喜寧失不經故三宥以順

時重一成而不改永懷中典亦謹無良惟罰與刑有疑
俱赦厚倫正俗立教在寬二罪並興載難上備五聽無
濫宜遵下服既有權而適道當惻隱而從輕不俾少懲
將為允當

告密判

雍州申綿州告密囚王禮告本州人有謀反行至散關
夜已將半關吏以其夜到不為開門禮緣事急遂越關
而度至留守所告關令趙秀并自首越關事到神都法

司斷秀應為而不為主簿批為不當舉牒議卿判秀當
知反而不告下符科結秀經廉使披訴仰正斷

對

王禮生於劔表長自巴中身在重關之外心馳魏闕之
下踰岷越嶂雖効赤誠觸網冒羅遂縈丹筆何者但緣
謀反律有明條本州既不告言他邑寧且寢默必也同
夫兆一作風火應合控彼星昴何須乘夜犯關侵宵越棧
異田文之徑度不聽鷄鳴殊孫龍之縱辨無論馬色雖

未詳其五聽聊請扣其兩端告密縱使非虛越關無宜
首免

贓賄判

河南縣丞張季昭貸官錢一千貫私用縣令王楷糾從
枉法季昭云既立帖取明即擬還不伏御史宋冲斷為
真盜

對

雷電作威先王以嚴刑斷獄脂膏不潤古人以從政立

身故貪乃敗名子罕以不貪為寶財悖而入疎廣以多財累愚河南帝城四方取則毗贊之職必惟其人季昭策名清時沐我玄化不能獨峻其節有戾冰霜翻乃難滿為心自同溪壑况飛龍在運振鷺盈朝官材必孚名器無假不義而富聞夫子之有言刑故無赦著文王之作罰臨財苟得古則恥之陳力不能今也宜止黃圖貴令欲以枉法定刑繡衣御史斷為真盜論罪既立文帖應有限期或即結刑恐成疑獄空仰九天之問慙無一

割之能待結事由寘之邦典

吏犯徵贓判

吏人犯枉法贓會恩免罪所由不徵正贓御史舉以非枉法不伏

對

肆眚從輕前王以之宥罪一成不變君子於焉盡心黜吏伊何罔知紀極貪藩身之貨自底不經沐渙汗之恩幸而獲宥雖小懲大誡既曰刑其恤哉而免罪徵贓尚

謂周之生也酌彼三尺折以片言柱後為官御史之舉非斯
當願中有物所由之不伏未孚敢肆剛腸輕申直筆

主簿取受判

外州申屬縣主簿部內取受州將不之罪也出錢與之

對

東紳從官既儋人爵析珪銜命湏代天工不息惡木之
陰不畏貪泉之味豈溪壑其志山川其心錢且深藏非
從地出金常密受不畏天知效無彰於萬分法宜加於

三尺州將情為寬簡道取敦龐必令上化用乎將使下僚知恥若過而能改合道期於反經若情不自悛罰罪當於懲惡請更研問方事科條

尉用官布判

鄆縣尉單則將官布七百端質錢還債經一百日合科何罪

對

單則策名柱下述職江濱才靡効於一身害已深於五

蠹用公府之財酬私門之債虧貞節於箭巖汨清流於鏡水九章彛憲不惠姦疑三尺明科無捨刑故雖復陪填已畢終是濫竊成愆指事論情實嬰疎網披文按法或蔽蒙襟委諸兩造之司庶盡片言之斷

未上假借判

丁受官未上於所部假借科其監臨不伏

對

命官以賢底祿以道猶未涖事胡為賄聞無魏子之悛

心有叔魚之黷貨即為假借曾不內愧于躬式冒刑典仍欲外文其過實叨憤之自速非監臨之謂何加言是丁不可逃罪

乾沒稍食判

乙主稍食輒自乾沒為方書所劾

對

列爵分官用資監守臨班掌務必藉廉平其有黷貨居心類長安之小吏不貪為寶殊宋國之司城時所未容

法宜難捨况主茲稍食慢彼嚴章竊人之財從己之欲
方書職惟糾謬本曰懲非罪即不誣任依輕典

取錢授官判

得楊甲選以錢十萬金三十斤求山乙得官後被告大
理以甲選數合留官不越次會恩洗滌甲不辭任錢金
不追刑部斷甲解見任徵乙金錢

對

學古入官不聞黥貨以賢制爵安可非材楊甲人實妄

庸諺參調選山乙志惟貪冒多受金錢良以職謝巨源
賢慙伯起鴻猷載黜是則難容大理同拘自貽伊戚承
恩合免雖則棘署守文會赦獨徵實亦仙臺直筆請依
省斷竊謂為宜

受囚財物判

丁受囚財增其語賊輕減罪省司駁議非當鬻獄

對

鬻獄賈直實誠魯史舞文巧詆用存漢策小大之察必

惟其情輕重之權固茲無濫眷彼丁者職在監臨貨以藩身見魯豹之裂帶貪而速戾同叔魚之敗官且無屬厭難以末減省司忠告實謂平反

脫枷取絹判

祁陽縣尉董則任大理獄吏與囚脫枷取絹兩足斷除名

對

刑政所存為國之本有倫有要弘慎斯歸就重就輕哀

矜無失董則事緣賊賄斷彼除名黜貨於無器之時定罪於有官之日問既承引斷亦甘心兩縑雖則難容變啓終須審究脫枷狀非枉法準絹不至徒年除名雖據本條斷罪宜無覆定永州申上不詳前任之文刑部重尋妙得無官之列除名之坐未可依前罪不合徒何容濫罰

免罪不謝判

得乙有罪丁救以免乙不謝或責之乙云不為已

對

白居易

在公而行誠非為已懷惠以謝則涉徇私彼既求仁而
得仁此宜以直而報直乙惟獲戾丁乃解紛以為非罪
而拘治長見稱於尼父直言以免叔向寧謝於祁奚論
愚則丘山不勝在道而江湖可忘况情非私謁可以不
愧於人義在公行實亦一作已無求於我盍加遺直勿聽
責言

子行盜判

得甲告其子行盜或謂其父子不相為

一作容

隱甲云大

義滅親

對

法許原情慈通隱惡俾恩流于下亦直在其中甲齒忝人倫忍傷天性義方失教曾莫愧于父頑攘竊成姦尚不為其子隱道既虧於庭訓禮遂闕於家肥且情比樂羊可謂不慈傷教况罪非石厚徒云大義滅親是不足情所宜致誚

冒名事發判

得丁冒名事發法司準法科罪節度使奏丁在官有善

集作美政請免罪真授以勸能者法司以亂法不許

對

宥則利淫誅為

一作則

傷善失人猶可壞法實難丁僭濫

為心佞俛從事始假名而作偽咎則自貽及勵節而為

官政將可取節使以功惟補過情

一作請

欲勸能憲司以

仁不惠姦議難亂紀制宜經久理貴從長見小善而必

求才雖苟得踰大防而不禁弊將若何濟時不在於一夫守法宜守乎三尺盍懲行詐勿許拜真

請不用赦判

得乙上封請永不用赦大理云廢赦何以使人自新乙云數赦則姦生恐弊轉甚

對

刑乃天威赦惟王澤予以御下存乎建中上封以宥過利淫倖門宜閉大理以溢邪除舊權道當行皆推濟國

之誠未達隨時之義何則政包寬猛法有弛張習以生
常則起為姦之弊廢而不用何成作解之恩請思砭石
之言兼詠蓼蕭之什數則不可無之亦難

失囚判

得甲為獄吏囚走限內他人獲之甲請免罪

對

園土不嚴罪人其道亡而由已誠曰慢官獲則因人其
何補過相彼維甲所謂攸司不念恪居儆于羨里旋聞

失守逸乃楚囚雖非故縱所因曾是慢常而致徒稱勿
佚未可塞違得於他人自是疎網無漏失其所職豈可

出桀不科無貪假手之功固念

集作合

甘心於責

集作罰

遇毒判

得丙於逆旅食噬腊遇毒而死其黨訟之主人云買之
有處

對

生不可保死必有因盍知命於喪予豈尤人於食我丙

秋蓬方轉朝薤欲晞旅次方來將受殮而已生涯溘盡
當終食之間且非祭地之餘集作疑自是逢天之戚永言
其黨不察所由死且焉知徒云噬腊之毒買而有據請
無寘董之嫌誠虐士之可哀在主人而何咎幸思恕物
無妄罪人

被妻毆判

得甲居家被妻毆笞之隣人告其違法縣斷徒三年妻
訴云非夫告不伏

對

禮貴妻柔則宜禁暴罪非夫告未可麗刑何彼無良於斯有怒三從罔敬待以庸奴之心一杖所加辱於女子

之手作威信傷於婦順

集作道

不告未失

集作爽

於夫義

集作

和招訟於隣誠愧聲聞於外斷徒不伏未乖直在其中

雖未

集作非

家肥難從縣責

稽緩制書判

得甲為所由稽緩制書法直斷合徒一年訴云違未經

十日

對

王命急宣行無停晷制書稽緩罪有常刑將欲正其科
繩必先揆以時日甲懈位敗度慢令速尤蓄怠棄之心
既虧臣節墜駿奔之命自抵國章然則審時勾稽考程
定罪法直以役當朞月所由以違未決辰將計年以斷
徒恐乖閱實請據日而加等庶叶決平是曰由文俾乎

息訟

刺史違法判

得丙為錄事參軍刺史有違法事丙封狀奏聞或責其
失事長之道丙云不敢不忠于國

對

守位居常小宜事大持法舉正卑可糾尊丙名署外臺
身由中立直宜自守郡郵之政必行明不相蒙州將之
邪無隱且六條枉撓百事滋昏苟不提綱是為漏網雖
舉違犯上虧敬長之小心而陳奏盡忠得事君之大節

既非下訛難抑上聞


私發制書判

得丁私發制書法司斷依漏洩坐丁訴云非密事請當
本罪

對

君命是專刑其無小王言非密罪則從輕丁乃攸司屬
當行下不慎厥德擅發如綸之言自災于身難求疎網
之漏然則法通加減罪有重輕必也志在私行唯當專

達之責如或事關樞密則科漏洩之辜請驗跡於紫泥
方定刑於丹筆



文苑英華卷五百二十二